

লাগাতার আন্দোলন চালিয়ে দক্ষিণ শাখায় বাড়তি ট্রেনের দাবি আদায় হল



শিয়ালদহ বি সি রায় অডিটোরিয়ামে ৬ জুন
রেলমন্ত্রী সুরেশ প্রভুকে দাবিপত্র দিয়ে আলোচনা করছেন
ডঃ তরুণ মণ্ডল ও অধ্যাপক তরুণ নস্কর

শিয়ালদহের দক্ষিণ শাখায় ট্রেনের অভাবে যাতায়াত যাত্রীদের পক্ষে এক যন্ত্রণায় পরিণত হয়েছে অনেক দিন। শুধু ট্রেনের অভাবই নয়, প্ল্যাটফর্মের নানা অব্যবস্থা, যাত্রীদের প্রয়োজন ও স্বাচ্ছন্দ্যের প্রতি চূড়ান্ত অবহেলা ইত্যাদিও আছে। এর প্রতিকারের দাবিতে এস ইউ সি আই (সি)-র নেতৃত্বে লাগাতার আন্দোলনও চলছে। কিছুকাল আগে প্রান্তিক সাংসদ ডঃ তরুণ মণ্ডল ও বর্তমান বিধায়ক ডঃ তরুণ নস্করের নেতৃত্বে জয়নগর বারইপূর ক্যানিং সহ দক্ষিণের রেল
আটের পাতায় দেখুন

দেনার দায়ে আত্মহত্যা করছে আখচাষিরা প্রাপ্য ৬ হাজার কোটি টাকা দেয়নি বিড়লা-বাজাজরা

ঋণ শোধ দিতে না পারলে জ্বালায় আত্মহত্যা করে চাষি। সারা দেশের চিত্র আজ একই। কিন্তু চাষি যখন বড় বড় মিল মালিকদের কাছে ফসল বেচে পাওনা টাকার আশায় হাণ্ডিত্য করে বসে থাকে, মালিকরা কী করে? টাকা দিতে পারছে না বলে তারা কি চাষির মতোই ছটফট করে! চাষিদের সাধ্য কী বিড়লা-বাজাজদের মতো মালিকদের কাছ থেকে পাওনা টাকা আদায় করে। উত্তরপ্রদেশের শত শত আখচাষির সম্প্রতি আত্মহত্যার মর্মান্তিক ঘটনায় প্রশ্নটা নিদারুণভাবে উঠে আসছে এই 'উন্নয়নমুখর' ভারতবর্ষে।

সম্প্রতি অসময়ে অতি বৃষ্টি, শিলাবৃষ্টির ফলে ফসল নষ্ট হওয়ার কারণে নিরুপায় শত শত আখচাষি নিজেকে ও পরিবারকে বাঁচাতে দলে দলে আত্মহত্যার একমাত্র 'সহজ' পথ বেছে নিয়েছে। চাষের জন্য নেওয়া ঋণ শোধ করার আর কোনও উপায় তাদের ছিল না। সংসার চালানোর মতো অর্থ উপার্জনের কোনও দিশা তারা দেখতে পায়নি। কিন্তু শুধু ঋণের দায়েই কি চাষিদের এই দুর্দশা? দেখা যাচ্ছে একচেটিয়া পূঁজিপতিদের সংস্থাগুলি বিগত এক বছরে আখ চাষিদের পাওনা প্রায় ৬ হাজার কোটি টাকা দেয়নি। আখ চাষিদের টাকা যারা দেয়নি তাদের মধ্যে আছে বাজাজ, বিড়লা, মোদি গোষ্ঠী এবং মদ উৎপাদকদের অন্যতম শিরোমণি পল্টি চান্ডার মালিকানাধীন ওয়েভ গোষ্ঠী। উত্তরপ্রদেশের ১০৩টি চিনি কলের মধ্যে এই গোষ্ঠীগুলিই চালায় ৪০টি। এরা চাষির থেকে ধারে আখ নিয়েছিল, তার থেকে চিনি এবং মদ তৈরি করে এরা ইতিমধ্যেই বিপুল লাভ করেছে। উত্তরপ্রদেশের আখ উন্নয়ন বিভাগের কর্তাদের হিসাবে বাজাজ গোষ্ঠীর বকেয়া ১৫৯৮ কোটি

টাকা, মাওয়ানা গোষ্ঠী ৫২৪ কোটি টাকা, বিড়লা গোষ্ঠীর ৫টি মিলের বাকি ৪০৬ কোটি। উত্তরপ্রদেশের বামফ্রন্ট নেতা ডিপি যাদবের বকেয়া ৫০ কোটি টাকা, ডালমিয়া গোষ্ঠীর বকেয়া ৯৪.৩ কোটি টাকা। (সূত্রঃ দি হিন্দু - ৫।৬।২০১৫)

বৃহৎ মালিকরা ব্যাঙ্কের থেকে ধার নিলে ব্যাঙ্ক কল্লতরু সাজে। ধার শোধের দায় গিয়ে পড়ে জনসাধারণেরই ঘাড়ো! আবার এই মালিকরা চাষির থেকে ফসল নিলে তার দাম দেওয়ার দরকার পড়ে না! এই টাকা আদায় করে দেবে কে? সরকার যে করবে না তা স্পষ্ট উত্তরপ্রদেশ সরকারের কৃষি বিভাগের এক অফিসারের কথায়। তিনি অনিশ্চিতভাবে বলেছেন, সরকার যাতে এ বিষয়ে চিন্তা করে, তার জন্য তাঁরা চেষ্টা করবেন। উত্তরপ্রদেশে আখচাষিদের নিজস্ব সংগঠন নেই, কিন্তু চিনি মিল মালিকদের আছে! এই মিলমালিকরা বলেছে, 'চিনিশিল্প এখন গভীর সংকটে। এ অবস্থায় চাষিদের পাওনা মেটাতে যে মিল মালিকরা আগ্রহ দেখাবে, তাদের পুরস্কার দেওয়া উচিত সরকারের।' এই হচ্ছে 'গণতান্ত্রিক' ভারতবর্ষে উন্নয়নের মন্ত্র আওড়ানো বিজেপি সরকারের শাসনে মালিকদের কণ্ঠস্বর।

এই গণতন্ত্রের পীঠস্থান ভারতের আসল প্রভু তো এই মালিকরাই! তাদের দয়াতেই তো কৃষকদের চলতে হবে। আমরা জানি না, উত্তরপ্রদেশের সমাজবাদী পার্টির সরকার কী বলছে? পশ্চিমবঙ্গের তৃণমূল সরকারের মতো তারাও হয়ত বলছে, এসব মিথ্যা প্রচার। ঋণের দায়ে একজন চাষিও আত্মহত্যা করেনি! এরপর কি আর বুঝতে বাকি থাকে, এই দেশটা কাদের?

১৮ দফা দাবিপত্রে লক্ষ লক্ষ মানুষের স্বাক্ষর সংগ্রহ করা হয়েছে গত দু'মাস ধরে রাজ্যের সর্বত্র। স্বাক্ষর সংবলিত দাবিপত্রগুলি নিয়ে পূর্ব ঘোষণা অনুযায়ী ১৫ জুন রাজ্য সম্পাদক কমরেড সৌমেন বসুর নেতৃত্বে এক প্রতিনিধি দল রাজভবনে রাজ্যপালের কাছে জমা দেবেন।

রাজনীতি না বুঝে শুধু প্রচার ও শ্লোগানের পিছনে ছুটলে জনগণ বারবার ঠকবেন

২৪ এপ্রিল কলকাতার সমাবেশে সাধারণ সম্পাদক কমরেড প্রভাস ঘোষ

দলের প্রতিষ্ঠা দিবসে পশ্চিমবঙ্গ রাজ্য কমিটি আয়োজিত শহিদ মিনার ময়দানের সমাবেশে মুখ্য বক্তা সাধারণ সম্পাদক কমরেড প্রভাস ঘোষের বক্তব্য সম্পাদিত আকারে প্রকাশ করা হল।

১৯৪৮ সালের পর থেকে প্রতি বছরই পার্টির প্রতিষ্ঠা দিবস আমাদের কাছে বিশেষ তাৎপর্য নিয়ে আসে। সমসাময়িক রাজনৈতিক, অর্থনৈতিক, সাংস্কৃতিক যেসব সংকট জনজীবনকে বিধ্বস্ত করে তুলছে, সেগুলি কী কী, কেন বারবার এই সংকট দেখা দিচ্ছে ও বাড়ছে, সেগুলি জমা এবং একটা সর্বহারা বিপ্লবী দল হিসাবে মহান মার্ক্সবাদ-লেনিনবাদ-শিবদাস ঘোষের চিন্তাধারায় কীভাবে সমস্যাগুলিকে বিচার করতে পারি ও কর্তব্য নির্ধারণ করতে পারি, সেই জন্যই আজকের সমাবেশে এই আলোচনা হচ্ছে।

গণতন্ত্র আজ প্রহসন

আমাদের দেশের নেতারা দীর্ঘদিন ধরে সগর্বে দাবি করে থাকেন যে, ভারতবর্ষ পৃথিবীর বৃহত্তম গণতান্ত্রিক দেশ। সম্প্রতি পশ্চিমবঙ্গে কলকাতা কর্পোরেশন নির্বাচনে একদফা এই 'গণতান্ত্রিক নির্বাচন যজ্ঞ' আপনারা প্রত্যক্ষ করলেন, আগামী কালও প্রত্যক্ষ করবেন— কত রক্ত বারল, কত খুন-জখম হল, কাল আরও হবে। ১৯৭২ সাল থেকেই

পশ্চিমবঙ্গে প্রতিটি নির্বাচন এইভাবে 'অবাধ, নিরপেক্ষ ও শান্তিপূর্ণ' হয়ে চলেছে। আজ যারা সরকারের বিরোধী পক্ষে আছে, তারা সরকারের যখন ছিল এভাবেই ক্ষমতা দখল করেছে। তখন যারা বিরোধী ছিল এখন সরকারে বসে তারাও একই ভাবে ক্ষমতা দখল করেছে। এটাই যেন স্বাভাবিক। শুধু প্রশ্ন, কে বেশি, আর কে কম করেছে। এ ভাবেই লোকসভা, বিধানসভা, কর্পোরেশন, মিউনিসিপ্যালিটি, পঞ্চায়তের ভোট হয়। যথারীতি ভোটের লিস্ট তৈরি হয়, ভোটের জন্য আলাদা আইন থাকে, নিরপেক্ষভাবে পরিচালনার জন্য কমিশন থাকে, কোথাও যাতে 'জবরদস্তি, সন্ত্রাস' না হয় তার জন্য 'সতর্ক পুলিশ প্রশাসন' থাকে, ভোটে যাতে টাকার খেলা না হয়, কারচুপি না হয়— এ সব দেখারও বন্দোবস্ত থাকে। এ সবই আপনারা জানেন। কিন্তু তারপর ভোটের সময় কী দেখেন! সব ব্যবস্থাই ভোজবাজির মতো মিলিয়ে যায়। গণতন্ত্র, জনগণ, অবাধ নির্বাচন সবই প্রহসনে পরিণত হয়। আগেকার দিনে রাজা - জমিদাররা যেমন সশস্ত্র বাহিনী নামিয়ে রক্তনরক্তি করে একে অপরের রাজত্ব দখল করত, এখনও তাই ঘটে। জোর যার মূলুক তার— জনগণ এখানে নিমিত্ত মাত্র।

এটা শুধু আমাদের রাজ্যে বা এ দেশেই নয়, সমগ্র পূর্জিবাদী



শহিদ মিনারের জনসভায় কমরেড প্রভাস ঘোষ

দুনিয়াতেই চলছে। কোথাও নগ্ন ভাবে, কোথাও প্রচ্ছন্নভাবে। বুর্জোয়া পার্লামেন্টারি ডেমোক্রেসির ঠাটবাট সবই আছে, নেই শুধু ডেমোক্রেসি। জনগণ নয়, সর্বত্রই নির্বাচনে প্রথম ও শেষ কথা মানি পাওয়ার বা বুর্জোয়া
দুয়ের পাতায় দেখুন

না করার ফলেই প্রকৃত কমিউনিস্ট পার্টি হতে পারেনি

চারের পাতার পর

সংগ্রাম এক অর্থে পার্টি গড়ে তোলার প্রাথমিক সংগ্রাম। তাই চিন্তা জগতের সর্বক্ষেত্রে ব্যাপ্ত করে আদর্শগত কেন্দ্রীকরণ অর্থাৎ সম চিন্তাপদ্ধতি, সম চিন্তা, সম বিচারধারা ও সম উদ্দেশ্যমুখিতা গড়ে তুলতে না পারলে যৌথ নেতৃত্বের এই বাস্তবীকৃত ও বিশেষীকৃত ধারণাটি দলের মধ্যে গড়ে তোলাই সম্ভব নয় এবং যতদিন পর্যন্ত যাঁরা দল গঠন করতে অগ্রণী হয়েছেন, সেই সমস্ত নেতা ও কর্মীদের মধ্যে যৌথ নেতৃত্বের এই বিশেষীকৃত ধারণার জন্ম না হয়, মনে রাখতে হবে, ততদিন পর্যন্ত দলের চূড়ান্ত সাংগঠনিক রূপ দেওয়ার সময় আসেনি। ... তৃতীয়ত, দলের অভ্যন্তরীণ ক্ষেত্রে নেতা ও কর্মীদের এই নিরলস সংগ্রামের মধ্য দিয়েই যাঁরা দল গঠন করতে অগ্রণী হয়েছেন, তাঁদের মধ্যে একদল ‘প্রফেশনাল রেভোলিউশনারি’ (জাত বিপ্লবী)-র জন্ম দিতে হবে। মার্কসবাদের পরিভাষায় এই প্রফেশনাল রেভোলিউশনারি বলতে, পয়সার বিনিময়ে হোলটাইম ওয়ার্কার বোঝায় না। ... প্রফেশনাল রেভোলিউশনারি হল শ্রমিক শ্রেণির সংগ্রামী সচেতন অংশের সেই অংশ যাঁরা শুধুমাত্র রাজনৈতিক ও অর্থনৈতিক ক্ষেত্রেই নয়, জীবনের সর্ব দিক ব্যাপ্ত করে একটা সমাজতান্ত্রিক আন্দোলন গড়ে তোলার মধ্য দিয়ে মার্কসবাদ-লেনিনবাদকে অর্থাৎ শ্রমিক শ্রেণির বিপ্লবী আদর্শকে এমনভাবে জীবনে গ্রহণ করতে সক্ষম হয়েছে যার ফলে ব্যক্তিগত জীবনের প্রয়োজন, নানাবিধ সুবিধা-অসুবিধা প্রভৃতির উর্ধ্বে উঠে নিঃসংশয়ে, নির্বিধায় ও আনন্দের সাথে বিপ্লবী জীবনের সংগ্রামের বিভিন্ন জটিল প্রক্রিয়ায় তাঁরা সবসময়ই লিপ্ত থাকতে সক্ষম এবং সমস্ত ব্যাপারে, এমনকী ব্যক্তিগত ব্যাপারেও আনন্দের সাথে বিপ্লবের স্বার্থে পার্টির কাছে নির্বিধায় ‘সাবমিট’ করতে সক্ষম। একমাত্র এই প্রফেশনাল রেভোলিউশনারিদের মধ্যে থেকেই যদি পার্টির নেতা ও নেতৃত্বনায়ী কর্মীরা আসে তা হলেই একটি পার্টি সত্যিকারের কমিউনিস্ট পার্টির যোগ্যতা অর্জন করতে পারে। মূলত এই তিনটি প্রাথমিক শর্ত পূরণ হওয়ার পরেই কেবলমাত্র সম্মেলনের মধ্য দিয়ে একটি কমিউনিস্ট পার্টির সর্ববিধানসম্মত সাংগঠনিক কাঠামোর জন্ম দেওয়া যেতে পারে” (কেন ভারতের মাটিতে এস ইউ সি আই (সি) একমাত্র সাম্যবাদী দল)। আপনাদের বলতে চাই, এই প্রক্রিয়া অনুসরণ করেই ১৯৪৮ সালে আজকের দিনে ২৪ এপ্রিল কমরেড শিবদাস ঘোষ যথার্থ কমিউনিস্ট পার্টি হিসাবে এস ইউ সি আই (সি) প্রতিষ্ঠা করেছিলেন। কমরেড শিবদাস ঘোষ আরও দেখিয়েছেন, রাশিয়ায় বিপ্লবের সময়ে পুঁজিবাদ খুবই দুর্বল ছিল, সামন্ততন্ত্রের প্রভাব কৃষিতে ও সংস্কৃতিতে ছিল। ফলে তখনও বুর্জোয়া মানবতাবাদের আপেক্ষিক প্রগতিশীলতা ছিল, চীনের বিপ্লবও শ্রমিক শ্রেণির নেতৃত্ব বুর্জোয়া গণতান্ত্রিক বিপ্লব ছিল, ফলে দুই দেশেই কমিউনিস্ট চরিত্রের মান হিসাবে বিপ্লবের স্বার্থ মুখা, ব্যক্তি-স্বার্থ গৌণ— এই মানদণ্ড কাজ করেছিল।

কিন্তু ১৯৪৮ সালেই কমরেড শিবদাস ঘোষ বুঝেছিলেন, উন্নত পুঁজিবাদী দেশগুলিতে ও ভারতবর্ষে যেখানে ব্যক্তিবাদ চূড়ান্ত প্রতিক্রিয়াশীল, সমাজবিমুখ ও ব্যক্তিকেন্দ্রিক হয়ে গেছে, সেখানে কমিউনিস্ট চরিত্রের এই মান দিয়ে কাজ হবেনা, এমনকী বিপ্লব পরবর্তী রাশিয়া ও চীনেও কাজ হবেনা। এইসব দেশে উন্নততর কমিউনিস্ট চরিত্র অর্জন করতে হলে ব্যক্তিকে শুধু ব্যক্তিগত সম্পত্তিই নয়, ব্যক্তিগত

সম্পত্তিজাত সকল মানসিকতা ও সংস্কৃতি বিসর্জন দিয়ে, নিঃশর্তে, নির্বিধায় ও হাসিমুখে শ্রমিক শ্রেণি, বিপ্লব ও বিপ্লবী দলের সাথে একাত্ম হতে হবে। লেনিনের উপরোক্ত শিক্ষাকে সিপিআই নেতারা দল গঠনে অনুসরণ করেননি। ভারতবর্ষের নানা জায়গার কমিউনিস্ট ভাবাপন্ন কিছু গ্রুপকে রাতারাতি একত্র করে পার্টি গঠন করেছিলেন। মার্কসবাদকে ভিত্তি করে কোনও ইউনিট অফ আইডিয়াজ গড়ে তোলার সংগ্রাম তাঁরা করলেন না। মার্কসবাদকে বিশেষীকৃত করতে ব্যর্থ হলেন, এবং মার্কসবাদকে জীবনদর্শন হিসাবে নেতা-কর্মীরা গ্রহণ করতে পারলেন না, কমিউনিস্ট সংস্কৃতিও গড়ে তুলতে পারলেন না। নেতাদের রাজনৈতিক জীবন ও ব্যক্তিগত জীবন আলাদা হয়ে রইল, দলে গণতান্ত্রিক একেত্রীকরণের পরিবর্তে যান্ত্রিক একেত্রীকরণ গড়ে উঠল এবং প্রথম থেকেই নানা গ্রুপের অস্তিত্ব রয়ে গেল। রাশিয়ার পার্টিতে যেমন আদর্শগত সংগ্রামের মাধ্যমে যৌথ নেতৃত্বের ব্যক্তিকরণের বিশেষীকৃত রূপ বা অর্থটি হিসাবে প্রথমে লেনিন, পরে স্ট্যালিন, চীনের পার্টিতে যেমন মাও সে তুং এবং আমাদের দলে কমরেড শিবদাস ঘোষের অভ্যুত্থান ঘটেতে পারল, সিপিআই ও পরবর্তীকালে সিপিএম তা ঘটেনি। ফলে শুরু থেকেই সিপিআই এবং সিপিএম কমিউনিস্ট নামধারী পেটি বুর্জোয়া পার্টি হিসাবে গড়ে উঠল। এটা আপনারা মনে রাখবেন।

আন্তর্জাতিক কমিউনিস্ট নেতৃত্ব সম্পর্কে সঠিক দৃষ্টিভঙ্গি

উল্লেখিত একই প্রবন্ধে, একটা বিশেষ দেশের মার্কসবাদী পার্টি অন্য দেশের মার্কসবাদী পার্টি থেকে কীভাবে শিক্ষা নেবে, সেই প্রসঙ্গে লেনিন বলেছিলেন, “একটা আন্দোলন তখনই শুধুমাত্র সাফল্য পেতে পারে, যখন তা অন্যান্য দেশের অভিজ্ঞতাকে আত্মস্থ করে। অভিজ্ঞতাকে আত্মস্থ করার জন্য শুধু তার সাথে নিছক পরিচিত থাকাই অথবা সে বিষয়ে সুচারু প্রস্তাব লিখতে পারাই যথেষ্ট নয়। এই অভিজ্ঞতাকেও খুঁটিয়ে বিচার করতে পারা চাই, স্বাধীনভাবে সেই অভিজ্ঞতাকে যাচাই করে নিতে পারার যোগ্যতা থাকা চাই।” (A movement ... can be successful only on the condition that it assimilates the experience of other countries. In order to assimilate this experience, it is not sufficient merely to be acquainted with it, or simply to transcribe the latest resolutions. A critical attitude is required towards this experience, and ability to subject it to independent tests.) সিপিআই নেতারা কিন্তু আন্তর্জাতিক নেতৃত্ব সম্পর্কে, সোভিয়েত কমিউনিস্ট পার্টি, চীনের কমিউনিস্ট পার্টি সম্পর্কে দৃষ্টিভঙ্গির প্রশ্নে লেনিনের শিক্ষাকে অনুসরণ না করে অন্ধের মতো মানতেন। পরে যখন সোভিয়েত ও চীনের পার্টির মধ্যে মতভেদ দেখা দিল তখন সিপিআই নেতারা সোভিয়েত পার্টিকে এবং সিপিআই ভেঙে আলাদা হওয়ার পর সিপিএম নেতারা প্রথমদিকে চীনের পার্টিকে অন্ধের মতো মানতেন, পরে নকশালপন্থীরাও একইভাবে চীনের পার্টিকে অন্ধের মতো মানতেন। কিন্তু কমরেড শিবদাস ঘোষ দেখিয়েছেন, আন্তর্জাতিক নেতৃত্ব ও অন্য দেশের কমিউনিস্ট পার্টিকে অন্ধের মতো মানা আন্তর্জাতিকতাবাদ নয়, যথার্থ আন্তর্জাতিকতাবাদ হচ্ছে সেই নেতৃত্বের সাথে দ্বন্দ্বিক সম্পর্ক স্থাপন করা, তার সিদ্ধান্তকে ক্রিটিক্যালি

বিচার করা। তিনি নিজে স্ট্যালিন ও মাও সে তুংকে নেতা ও শিক্ষক হিসাবে শ্রদ্ধার চোখে দেখতেন এবং আমাদেরও দেখতে শিখিয়েছেন, আবার ১৯৪৮ সাল থেকেই তাঁদের নেতৃত্বের কিছু কিছু ত্রুটিও দেখিয়েছেন। বিশ্ব সাম্যবাদী আন্দোলনে কিছু গুরুতর সমস্যা, সমাজতন্ত্রের কিছু কিছু সমস্যা এইসব বিভিন্ন সময়ে উল্লেখ করেছেন একজন যথার্থ আন্তর্জাতিকতাবাদী হিসাবে। যার ফলে সমাজতন্ত্র ও বিশ্ব সাম্যবাদী আন্দোলনের বিপর্যয়ে আমরা ব্যথা পেয়েছি কিন্তু আমাদের দলে কোনও হতাশা বা ভাঙন আসেনি। কমরেড শিবদাস ঘোষের শিক্ষায় আমরা মানসিকভাবে প্রস্তুত ছিলাম।

লেনিন আরেকটি মূল্যবান শিক্ষায় বলেছিলেন, “আমরা মনে করি, রুশ সমাজতন্ত্রীদের জন্য মার্কসীয় তত্ত্বের একটি বিশিষ্ট বিপ্লবগণ অবশ্যই প্রয়োজন, কারণ, এই মার্কসীয় তত্ত্ব কেবল সাধারণ পথ-নির্দেশক নীতিগুলির সন্ধান দেয়, যা ইংল্যান্ডের বিশেষ ক্ষেত্রে যেভাবে প্রযোজ্য হবে, ফ্রান্সের ক্ষেত্রে তা হবে না, আবার ফ্রান্সের ক্ষেত্রে জার্মানির মতো হবে না, আবার জার্মানির বিশেষ পরিস্থিতিতে যেভাবে প্রযোজ্য হবে, রাশিয়ার ক্ষেত্রে তার থেকে ভিন্ন হবে।” (We think that an independent elaboration of the Marxist theory is especially essential for Russian socialist, for this theory provides only general guiding principles which in particular are applied in England differently from France, in France differently from Germany, and in Germany differently from Russia.) সেজন্যই লেনিন শুধু মার্কস-এঙ্গেলসের পুস্তক রুশ ভাষায় অনুবাদ করে রাশিয়ায় বিপ্লব করেননি। তাঁকে রাশিয়ার মাটিতে খ্রিস্ট ধর্মের প্রভাব, সামন্ততান্ত্রিক ভাবধারা, রুশ বুর্জোয়া জাতীয়তাবাদ, নারদনিকবাদ, উলস্টয়ের চিন্তার প্রভাব, রাশিয়ার তথাকথিত মার্কসবাদী মনোশৈলিকদের বিরুদ্ধে মার্কসবাদী বিজ্ঞানকে প্রয়োগ করে আদর্শগত সংগ্রাম করে রাশিয়াতে মার্কসবাদকে বিশেষীকৃত করতে হয়েছে, আবার দ্বিতীয় আন্তর্জাতিকের সংশোধনবাদের বিরুদ্ধে আদর্শগত সংগ্রাম করতে হয়েছে, পুঁজিবাদের সাম্রাজ্যবাদী স্তরকে বিশ্লেষণ করে আন্তর্জাতিক গাইডলাইনও দিতে হয়েছে। মাও সে তুংও শুধু মার্কস, এঙ্গেলস, লেনিন, স্ট্যালিনের বইগুলো চীনা ভাষায় ছাপিয়ে বিপ্লব করেননি। তিনিও চীনের সামন্ততান্ত্রিক চিন্তার প্রভাব, কনফুসিয়াসের দর্শনের প্রভাব, বৌদ্ধ ধর্মের প্রভাব, চীনের বুর্জোয়া জাতীয়তাবাদের প্রভাবের বিরুদ্ধে লড়াই করে চীনের মাটিতে মার্কসবাদকে বিশেষীকৃত করেছেন। আমাদের দেশে সিপিআই নেতারা এইসব কিছুই করেননি, তাঁরা শুধু আন্তর্জাতিক নেতাদের বই ছাপিয়েই দায় সেরেছেন। একমাত্র কমরেড শিবদাস ঘোষই মার্কসবাদকে হাতিয়ার করে এ দেশের বেদ-বেদান্ত, ইত্যাদি নানা ধর্মগ্রন্থের প্রভাব, বিবেকানন্দের চিন্তার প্রভাব, গান্ধীবাদের প্রভাব, রবীন্দ্রনাথের চিন্তার প্রভাব, বুর্জোয়া জাতীয়তাবাদী ভাবধারার প্রভাব, বুর্জোয়া ও সামন্ততান্ত্রিক সংস্কৃতির প্রভাব প্রভৃতির বিরুদ্ধে আদর্শগত সংগ্রাম চালিয়ে এদেশের মাটিতে মার্কসবাদকে বিশেষীকৃত করেছেন। একই আলোচনায় লেনিন আরেকটি মূল্যবান কথাও বলেছিলেন, “আমরা মনে করি না মার্কসীয় তত্ত্ব এমন কিছু যা সম্পূর্ণ হয়ে গেছে ও অলঙ্ঘনীয়। বরং আমরা এ বিষয়ে নিশ্চিত যে, এই তত্ত্ব বিজ্ঞানের

ছয়ের পাতায় দেখুন



২৪ এপ্রিল শহিদ মিনারের বিশাল জনসমাবেশের একাংশ

